

唐  
音  
統  
籤

丁籤九十三白居易

之四

唐音統籤卷

四百三十九

七言律詩四

後集

池上夜境

晴空星月落池塘澄鮮淨綠表裏光  
露簾清瑩迎夜滑風襟蕭洒先秋涼  
無人驚處野禽下新睡覺時幽草香  
但問塵埃能去否濯纓何必向滄浪

元微之除浙東觀察使喜得杭越隣州先贈

長句

稽山鏡水歡遊地犀帶金章榮貴身  
官職比君雖校小封疆與我且爲隣  
郡樓對翫千峰月江界平

唐音統籤

卷四百三十九

三十一

丁

分兩岸春杭越風光詩酒主相看更合是何人

答微之誇越州州宅

賀上人回得報書大誇州宅似仙居厭看馮翊風  
沙久喜見蘭亭煙景初日出旌旗生氣色月明樓  
閣在空虛知君闇數江南郡除却餘杭盡不如

微之重誇州居其落句有西州羅刹之謔因  
嘲茲石聊以寄懷

君問西州城下事醉中疊紙爲君書嵌空石面標  
羅刹厭捺潮頭敵子胥神鬼曾鞭猶不動波濤雖  
打欲何如誰知太守心相似抵滯堅頑兩有餘

張十八員外以新詩二十五首見寄郡樓月下吟翫通夕因題卷後封寄微之

秦城南省清秋夜江郡東樓明月時去我三千六  
百里得君二十五篇詩陽春曲調高難和淡水交  
情老始知坐到天明吟未足重封轉寄與微之

酬微之

微之題云那務稍簡因得整集舊詩并連綴刪削封章諫草繁委籍笥僅

踰百軸偶成自  
歎未寄樂天

滿篋填箱唱和詩少年爲戲老成悲聲聲麗曲敲  
寒玉句句妍辭綴色絲吟翫獨當明月夜傷嗟同  
是白頭時由來才命相磨折天遣無兒欲怨誰

微之

句云天遣兩家無嗣子欲將  
支字與它誰故以以答之

### 答微之詠懷見寄

閣中同直前春事船裏相逢昨日情分袂二年勞  
夢寐並床三宿話平生紫微北畔辭宮闕滄海西  
頭對郡城聚散窮通何足道醉來一曲放歌行

### 酬微之誇鏡湖

我嗟身老歲方徂君更官高興轉孤軍門郡閣曾  
問否禹穴耶溪得到無酒盞省陪波卷白叢盤思  
共彩呼盧一泓鏡水誰能羨自有胷中萬頃湖

微之

詩云孫園虎寺隨宜看不必遙  
遙羨鏡湖故以此戲言答之

醉封詩筒寄微之

一生休戚與窮通處處相隨事事同未死又隣滄  
海郡無兒俱作白頭翁展眉只仰三杯後代面唯  
憑五字中爲向兩州郵吏道莫辭來去遞詩筒

除夜寄微之

鬢毛不覺白氍毹一事無成百不堪共惜盛時僻  
闕下同嗟除夜在江南家山泉石尋常憶世路風  
波子細諳老校於君合先退明年半百又加三

答微之見寄

時在郡樓對雪

可憐風景浙東西先數餘杭次會稽禹廟未勝天

竺寺錢湖不羨若耶溪擺塵野鶴春毛煖拍水沙  
鷗濕翅低更對雪樓君愛否紅欄碧甃點銀泥

春題湖上

湖上春來似畫圖亂峰圍繞水平鋪松排山面千  
重翠月點波心一顆珠碧毯線頭抽早稻青羅裙  
帶展新蒲未能拋得杭州去一半勾留是此湖

早春憶微之

昏昏老與病相和感思君歎復歌聲早雞先知  
夜短色濃柳最占春多沙頭雨染斑斑草水面風  
驅瑟瑟波可道眼前光景惡其如難見故人何

得湖州崔十八使君書喜與杭越隣郡因成  
長句代賀兼寄微之

三郡何因此結緣貞元科第忝同年故情歡喜開  
書後舊事思量在眼前越國封疆吞碧海杭城樓

閣入青煙吳興卑小君應屬爲是蓬萊最後仙

貞元

初同登科崔君名最在後當許學士語  
云人間不會雲間事應笑蓬萊最後仙

與微之唱和來去常以竹管貯詩陳協律美  
而成篇因以此答

揀得琅玕截竹筒緘題章句寫心胸隨風每喜飛  
如鳥渡水常憂化作龍粉節堅如太守信霜筠冷



稱大夫容煩君讚詠心知愧魚目驪珠同一封

題石上人

騰騰兀兀在人間貴賤賢愚盡往還羶膩筵中唯  
飲酒歌鍾會處獨思山存神不許三尸往混俗無  
妨兩鬢斑除却餘杭白太守何人更解愛君閒

柘枝妓

平鋪一合錦筵開連擊三聲畫鼓催紅蠟燭移桃  
葉起紫羅衫動柘枝來帶垂鈿胯花腰重帽轉金  
鈴雪面迴看卽曲終畱不住雲飄雨送向陽臺

西湖畱別

征途行色慘風煙  
祖帳離聲咽管絃  
翠黛不須留  
五馬皇恩只許住  
三年綠藤陰  
下鋪歌席  
紅藕花  
中泊妓船處處回頭盡堪戀  
就中難別是湖邊

欲到東洛得楊使君書  
因以此報

向公心切向財踈  
淮上休官洛下居  
三郡政能從  
獨步十年生計復  
何如使君灘上久  
分手別駕渡  
頭先得書且喜平安又相見  
其餘外事盡空虛

味道

叩齒晨興秋院靜  
焚香宴坐晚牕深  
七篇真誥論  
仙事一卷壇經說  
佛心此日盡知前境妄  
多生曾

被外塵侵自嫌習性猶殘處愛詠閒詩好聽琴

酬皇甫庶子見寄

掌綸不稱君應笑典郡無能我自知別詔忽驚新  
命出同寮偶與風心期春坊瀟酒優閒地秋髻蒼  
浪老大時獨占二疎應未可能樓見擬覓分司

贈侯三郎中

老愛東都好寄身足泉多竹少埃塵年豐最喜唯  
貧客秋冷先知是瘦人幸有琴書堪作伴苦無田  
宅可爲鄰洛中縱未長居得且與蘇田遊過春

九日思杭州舊遊寄周判官及諸客

忽憶郡南山頂上昔時同醉是今辰笙歌委曲聲  
延耳金翠動搖光照身風景不隨宮相去歡娛應  
逐使君新江山賓客皆如舊唯是當筵換主人

分司

散秩留司殊有味最宜病拙不才身行香拜表爲  
公事碧洛青嵩當主人已出閒遊多到夜却歸慵  
臥又經旬錢塘五馬留三匹還擬騎遊攪擾春

吾廬

吾廬不獨貯妻兒自覺年侵身力衰眼下營求容  
足地心中準擬擗冠時新昌小院松當戶履道幽

居竹遶池莫道兩都空有宅林泉風月是家資

題新居寄宣州崔相公

所居南隣  
卽崔家池

門庭有水巷無塵好稱閒官作主人冷似雀羅雖  
少客寬於蝸舍足容身踈通行徑將迎月掃掠莎  
臺欲待春濟世料君歸未得南園北曲謾爲隣

早春晚歸

晚歸騎馬過天津沙白橋紅反照新草色連延多  
隙地鼓聲閒緩少忙人還如南國饒溝水不似西  
京足路塵金谷風光依舊在無人管領石家春

贈楊使君

曾嗟放逐同巴峽且喜歸還會洛陽時命到來須  
作用功名未立莫思量銀銜叱撥欺風雪金屑琵琶  
費酒漿更待城東桃李發共君沉醉兩三場

贈皇甫庶子

何因散地共徘徊人道君才我不才騎少馬蹄生  
易蹙角稀印鑲澀難開妻知年老添衣絮婢報天  
寒撥酒醅更愧小胥諮拜表單衫衝雪夜深來

池上竹下作

穿籬遶舍碧透迤十畝間居半是池食飽窓間新  
睡後脚輕林下獨行時水能性淡爲吾友竹解心

虛卽我師何必悠悠人世上勞心費目覓天知

閒出覓春戲贈諸郎官

年來數出覓風光亦不全閒亦不忙放鞚體安騎  
穩馬隔袍身煖照晴陽迎春日日添詩思送老時  
時放酒狂除却髭鬚白一色其餘未伏少年郎

與皇甫廋子同遊城東

閒遊何必多徒侶相勸時時舉一杯博望苑中無  
職役建春門外足池臺綠油剪葉蒲新長紅蠟粘  
枝杏欲開白馬朱衣兩宮相可憐天氣出城來

答劉和州禹錫

換印雖頻命未通，歷陽湖上又秋風。  
不教才展休明代，爲罫詩爭造化功。  
我亦思歸田舍下，君應厭臥郡齋中。  
好相收拾爲閒伴，年齒官班約略同。

赴蘇州至常州答賈舍人

杭城隔歲轉蘇臺，還擁前時五馬回。  
厭見簿書先眼合，喜逢杯酒暫眉開。  
未酬恩寵年空去，欲立功名命不來。  
一別承明三領郡，甘從人道是粗才。

宣武令狐相公以詩寄贈傳播吳中聊用短章用伸酬謝

新詩傳詠忽紛紛，楚老吳娃耳徧聞。  
盡解呼爲好



才子不知官是上將軍  
辭人命薄多無位  
戰將功高少有文  
謝朓篇章韓信鉞  
一生雙得不如君

自詠

形容瘦薄詩情苦  
豈是人間有相人  
只合一生眠白屋  
何因三度擁朱輪  
金章未佩雖非貴  
銀槥常携亦不貧  
唯是無兒頭早白  
被天磨折恰平均

紫薇花

紫薇花對紫薇翁  
名曰雖同貌不同  
獨占芳菲當夏景  
不將顏色託春風  
潯陽官舍雙高樹  
興善僧庭一大叢  
何似蘇州安置處  
花堂欄下月明中

答客問杭州

爲我踟躕停酒盞與君約略說杭州山名天竺堆  
青黛湖號錢塘瀉綠油大屋簷多裝雁齒小航船  
亦畫龍頭所嗟水路無三百官繫何因得再遊

代諸妓贈送周判官

妓筵今夜別姑蘇客棹明朝向鏡湖莫汎扁舟尋  
范蠡且隨五馬覓羅敷蘭亭月破能迴否娃館秋  
涼却到無好興使君爲老伴歸來休染白鬢鬚

郡西亭偶詠

常愛西亭面北林公私塵事不能侵共閒作伴無

如鶴與老相宜只有琴莫遣是非分作界須教吏  
隱合爲心可憐此道人皆見但要修行功用深

故衫

關淡緋衫稱老身半披半曳出朱門袖中吳郡新  
詩本襟上杭州舊酒痕殘色過梅看向盡故香因  
洗嗅猶存曾經爛熳三年著欲棄空箱似少恩

聞行簡恩賜章服喜成長句寄之

吾年五十加朝散爾亦今年賜服章齒髮恰同知

命歲官銜俱是客曹郎

子與行簡俱年五十始著緋肯是主客郎官

榮

傳錦帳花聯萼彩動綾袍鴈趁行

緋多以雁銜大瑞莎爲之也

抵著緋宜老大莫  
秋髩數莖霜

偶飲

三盞醺醺四體融  
妓亭簷下夕陽中  
千聲方響鼓相續  
一曲雲和戛未終  
今日心情如往日  
秋風氣味似春風  
唯惜小吏樽前報  
道去衙時水五筒

早發赴洞庭舟中作

闔閭曙色欲蒼蒼  
星月高低宿水光  
棹舉影搖燈燭動  
舟移聲拽管絃長  
漸看海樹紅生日  
遙見包山白帶霜  
出郭已行十五里  
唯銷一曲慢霓裳

宿湖中

水天向晚碧沉沉樹影霞光重疊深浸月冷波千  
頃練苞霜新橘萬株金幸無案牘何妨醉縱有笙  
歌不廢吟十隻畫船何處宿洞庭山脚太湖心

揀貢橘書情

洞庭貢橘揀宜精太守勤王請自行珠顆形容隨  
日長瓊漿氣味得霜成登山敢惜駑駘力望闕難  
伸蝼蟻情踈賤無由親跪獻願憑朱實表丹誠

夜泛陽塢入明月灣卽事寄崔湖州

湖山處處好淹留最愛東灣北塢頭掩映橘林千  
點火泓澄潭水一盆油龍頭畫舸衝明月鵲脚紅

旗蘸碧流爲報茶山崔太守與君各是一家遊

嘗羨

吳興每春茶山之遊泊入太湖美意減矣故云

### 題新館

曾爲白社驛遊子今作朱門醉飽身十萬戶州尤  
覺貴二千石祿敢言貧重裘每念單衣士兼味常  
思旅食人新館寒來多少客欲回歌酒煖風塵

### 酬劉和州戲贈

錢塘山水接蘇臺兩地塞帷愧不才政事素無爭  
學得風情舊有且將來雙蛾解珮啼相送五馬鳴  
珂笑却回不似劉郎無景行長拋春恨在天台

歲暮寄微之三首

微之別久能無歎知退書稀豈免愁甲子百年過  
半後光陰一歲欲終頭池冰曉合膠船底樓雪晴  
銷露瓦溝自覺歡情隨日減蘇州心不及杭州

榮進雖頻退亦頻與君才命不調勻若不九重中  
掌事卽須千里外拋身紫垣南北廳曾對滄海東  
西郡又隣唯欠結廬嵩洛下一時歸去作間人

白頭歲暮苦相思除却悲吟無可爲枕上從妨一

夜睡燈前讀盡十年詩

讀前後  
唱和詩

龍鍾校正騎驢日

憔悴通江司馬時

通州  
江州

若並如今是全活紆朱拖

紫且開眉

歲日家宴戲示弟姪等兼呈張侍御二十八  
文殷判官二十三兄

弟妹妻孥小姪甥嬌癡弄我助歡情歲盡後推藍  
尾酒春盤先勸膠牙餠形骸潦倒雖堪歎骨肉團  
圓亦可榮猶有誇張少年處笑呼張丈喚殷兄

正月三日閒行

黃鸝巷口鶯欲語烏鵲河頭冰欲銷

黃鸝坊名  
烏鵲河名綠

浪東西南北水紅欄三百九十橋

蘇之官  
橋之數鴛鴦蕩

漾雙雙翅楊柳交加萬萬條借問春風來早晚只



從前日到今朝

郡中間獨寄微之及崔湖州

少年賓旅非吾輩  
晚歲簪纓束我身  
酒散更無同宿客  
詩成長作獨吟人  
蘋洲會面知何日  
鏡水離心又一春  
兩處也應相憶在  
官高年長少情親

小舫

小舫一艘新造了  
輕裝梁柱庠安蓬  
深坊靜岸遊應遍  
淺水低橋去盡通  
黃柳影籠隨棹月  
白蘋香起打頭風  
慢牽欲傍櫻桃泊  
借問誰家花最紅

夜聞賈常州崔湖州茶山境會想羨歡宴因

寄此詩

遙聞境會茶山夜珠翠歌鍾俱遠身盤下中分兩

州界燈前合

音閤

作一家春青娥遞舞應爭妙紫筭

齊嘗各鬪新自歎花時北牕下蒲黃酒對病眠人

時馬墜損腰

正勤蒲黃酒

酬微之開拆新樓初畢相報未聯見戲之作

海山鬱鬱石稜稜新豁高居正好登臨南贍部三  
千界東對蓬宮十二層報我樓成秋望月把君詩  
讀夜回燈無妨却有他心眼粧點亭臺卽不能

病中多雨逢寒食

水國多陰常懶出老夫饒病愛閒眠三日臥度鶯  
花月一半春銷風雨天薄暮何人吹感葉新晴幾  
處縛鞦韆綵繩芳樹長如舊唯是年年換少年

重答劉和州

來篇云蘇州刺史例能詩西掖吟來替左司又云若共吳王關

百草不如唯是欠西施

分無佳麗敵西施敢有文章替左司隨分笙歌聊  
自樂等閒篇詠被人知花邊妓引尋香徑月下僧  
留宿劔池可惜當時好風景吳王應不解吟詩榻香

徑在館娃宮

奉送三兄

少年曾管二千兵，晝聽笙歌夜斫營。自反丘園盡白髮，每逢旗鼓眼猶明。杭州暮醉連床臥，吳郡春遊並馬行。自愧阿連官職慢，只教兒作使君兄。

城上夜宴

留春不住登城望，惜夜相將秉燭遊。風月萬家河兩岸，笙歌一曲邵西樓。詩聽越客吟何苦，酒被吳娃勸不休。從道人生都是夢，夢中歡笑亦勝愁。

重題小舫贈周從事兼戲微之

細蓬青篾織魚鱗，小眼紅牕襯麴塵。澗狹纔容從事座，高低恰稱使君身。舞筵須揀腰輕女，仙棹難

勝骨重人不侶鏡湖廉使出高檣大編開驚春

吳櫻桃

含菴最說出東吳香色鮮穠氣味殊洽恰舉頭千  
萬顆婆娑拂面兩三株烏偷飛處銜將火人摘爭  
時翳破珠可惜風吹兼雨打明朝後日卽應無

眼病二首

散亂空中千片雪蒙籠物上一重紗縱逢晴景如  
看霧不是春天亦見花

已上四句皆病  
眼中所見者

僧說客塵

來眼界醫言風眩在肝家兩頭治療何曾瘥藥力  
微茫佛力除

眼藏損傷來已久病根牢固去應難醫師盡勸先  
停酒道侶多教早罷官案上謾鋪龍樹論盒中虛  
然決明丸人間方藥應無益爭得金篦試刮看

詠懷

蘇杭自昔稱名郡牧守當今當好官兩地江山蹋  
得遍五年風月詠將一作來殘幾時酒盞曾拋却何  
處花枝不把看白髮滿頭歸得也詩情酒興漸闌

珊

丁籤九十三白居易

之四十一

唐音統籤卷

四百四十一

七言律詩五

後集

百日假滿

心中久有歸田計，身上都無濟世才。  
長告初從百日滿，故鄉先約一年回。  
馬辭轅下頭高舉，鶴出籠中翅大開。  
但拂衣行莫回顧，的無官職趁人來。

晚起

臥聽鼕鼕衙鼓聲，起遲睡足長心情。  
華簪脫後頭雖白，案拋來眼校明。  
閒上籃輦乘興出，醉回花舫信風行。  
明朝更濯塵纓去，聞道松江水最清。

自思益寺次楞伽寺作

朝從思益峰遊後晚到楞伽寺歇時照水姿容雖  
已老上山勛力未全衰行逢禪客多相問坐倚漁  
舟一自思猶去懸車十五載休官非早亦非遲

宿靈巖寺上院

高高白月上青林客去僧歸獨夜深葦血屏除唯  
對酒歌鍾放散只留琴更無俗物當人眼但有泉  
聲洗我心最愛曉亭東望好太湖煙水綠沉沉

留別微之

千時久與本心違悟道深知前事非猶厭勞形辭



郡印那將趁伴著朝衣五千言裏教知足三百篇  
中勸式微少室雲邊伊水畔比君校老合先歸

自喜

自喜天教我少緣家徒行計兩翩翩身兼妻子都  
三口鶴與琴書共一船僮僕減來無冗食資糧算  
外有餘錢携將貯作丘中費猶免飢寒得數年

武丘寺路宴留別諸妓

一作張籍詩

銀泥裙映錦障泥畫舸橈停馬簇蹄清管曲終鸚  
鵡語紅旗影動駮輪嘶漸消醉色朱顏淺欲語離  
情翠黛低莫忘使君吟咏處女墳湖北武丘西

鸚鵡

隴西鸚鵡到江東養得經年背漸紅常恐思歸先  
剪翅每因餒食暫開籠人憐巧語情雖重鳥憶高  
飛意不同應似朱門歌舞妓深藏牢閉後房中

喜罷郡

五年兩郡亦堪嗟偷出遊山走看花自此光陰爲  
已有從前日月屬官家樽前免被催迎使枕上休  
聞報坐衙睡到午時歡到夜回看官職是泥沙

想歸田園

戀他朝市求何事想取丘園樂此身千首惡詩吟

過日一壺好酒醉消春歸鄉年亦非全老罷那家  
仍未苦貧快活不知如我者人間能有幾多人

琴茶

兀兀寄形羣動內陶陶任性一生間自拋官後春  
多醉不讀書來老更閒琴裏知聞唯淥水茶中故  
舊是蒙山窮通行止長相伴誰道吾今無往還

贈楚州郭使君

淮水東南第一州山圍雉堞月當樓黃金印綬懸  
腰底白雪歌詩落筆頭笑看見童騎竹馬醉携賓  
客上仙舟當家美事堆身上何啻林宗與細侯

初到洛陽閒遊

漢庭重少身宜退，洛下閒居迹可逃。  
趁伴入朝應老醜，尋春放醉尚粗豪。  
詩携綵紙新裝卷，酒典緋花舊賜袍。  
曾在東方千騎上，至今躑躅馬頭高。

醉贈劉二十八使君

爲我引杯添酒飲，與君把筋擊盤歌。  
詩稱國手徒爲爾，命壓人頭不柰何。  
舉眼風光長寂寞，滿朝官職莫蹉跎。  
亦知合被才名折，二十三年折太多。

新昌閒居招楊郎中兄弟

紗巾角枕病眠翁，忙少閒多誰與同。  
但有雙松當

砌下更無一事到心中  
金章紫綬看如夢  
皂蓋朱輪別似空  
暑月貧家何所有  
客來唯贈北窗風

和楊郎中賀楊僕射致仕後楊侍郎門生合

宴席上作

業重關西繼大名  
恩深闕下遂高情  
祥鱣降伴趨庭鯉  
賀燕飛和出谷鶯  
范蠡舟中無子弟  
躡家席上欠門生  
可憐玉樹連桃李  
從古無如此會榮

酬裴相公題興化小池見招長句

爲愛小塘招散客  
不嫌老監與新詩  
山翁倒載無妨學  
范蠡扁舟未要追  
蓬斷偶飄桃李徑  
鷗驚誤

拂鳳凰池敢辭課拙誦高韻一勺爭禁萬頃陂

閒行

五十年來思慮熟忙人應未勝閒人林園傲逸真  
成貴衣食單疎不是貧專掌圖書無過地遍尋山  
水自由身倘年七十猶強健尚得閒行十五春

憶廬山舊隱及洛下新居

形骸僂俛班行內骨肉勾留俸祿中無奈攀緣隨  
手長亦知恩愛到頭空草堂又閉廬山下竹院新  
拋洛水東自是未能歸去得世間誰要白鬚翁

答尉遲少監水閣重宴

人情依舊歲華新今日重招往日賓  
雞黍重回里駕林園閤換四年春  
水軒平寫琉璃鏡草岬斜  
鋪翡翠茵聞道經營費心力  
恐教成後屬他人

時主

人欲賣  
林亭

早春同劉郎中寄宣武令狐相公

梁園不到一年強  
遙想清吟對綠觴  
更有何人能  
飲酌新添幾卷好  
篇章馬頭拂柳時  
回轡豹尾穿  
花暫亞槍誰引  
相公開口笑不逢  
白監與劉郎

寄太原李相公

聞道北都今一變  
政和軍樂萬人安  
綺羅二八圍

賓榻組練三千夾將壇蟬鬢應誇丞相少貂裘不  
覺太原寒世間大有虛榮貴百歲無君一日歡

出使在途所騎馬死改乘肩輿將歸長安偶  
詠旅懷寄太原李相公

驛路崎嶇况雪寒欲登籃輦一長歎風光不見桃  
花騎塵土空留杏葉鞍喪乘獨歸殊不易脫驂相  
贈豈爲難并州好馬應無數不怕旌旄試覓看

寄殷協律

多敘江  
南舊遊

五歲優游同過日一朝消散似浮雲琴詩酒伴皆  
拋我雪月花時最憶君幾度聽雞歌白日亦曾騎



馬詠紅裙

予在劍州日有歌云聽唱黃雞與  
白日又有詩云著紅騎馬是何人吳姬

暮雨蕭蕭曲自別江南更不聞

江南吳二娘曲詞  
暮雨蕭蕭郎不歸

將發洛中枉令狐相公手札兼辱二篇寵行

以長句答之

尺素忽驚來梓澤雙金不惜送蓬山八行落泊飛  
雲雨五字鎗鏗動珮環玉韻乍聽堪醒酒銀鉤細  
讀當披顏收藏使作終身寶何啻三年懷袖間

花前有感兼呈崔相公劉郎中

落花如雪髣如霜醉把花看益自傷少日爲名多  
檢束長年無興可顛狂四時輪轉春常少百刻支

分夜苦長何事同生壬子歲老於崔相及劉郎

余與

崔劉年同  
獨早衰白

微之就拜尚書居易續除刑部因書賀意兼

詠離懷

我爲憲部入南宮君作尚書鎮浙東老去一時成  
白首別來七度換春風簪纓假合虛名在勦力銷  
磨實事空遠地官高親故少些些談笑與誰同

喜與韋左丞同入南省因敘舊以贈之

早年同遇陶鈞主利鈍精粗共在鎔

憲宗朝與韋  
同入翰林

金劍淬來長透匣鉛刀磨盡不成鋒差肩北省慙

接南宮幸再容跛豓雖遲騏驥疾何妨中  
路亦相逢

晚從省歸

朝回北闕值清晨晚出南宮送暮春  
入去丞郎非散秩歸來詩酒是閒人  
猶思泉石多成夢尚歎簪裾未離身  
終是不如山下去心頭眼底兩無塵

繡婦歎

連枝花樣繡羅襦本擬新年餉小姑  
自覺逢春饒悵望誰能每日趁工夫  
針頭不解愁眉結線縷難穿  
淚臉珠雖凭繡床都不繡同床繡  
伴得知無

送敏中歸幽寧幕

六十衰翁兒女悲，傍人應笑爾應知。  
弟兄垂老相逢日，杯酒臨歡欲散時。  
前路加飡須努力，今宵盡醉莫推辭。  
司徒知我難爲別，直過秋歸未訝遲。

認春戲呈馮少尹李郎中陳主簿

認得春風先到處，西園南面水東頭。  
柳初變後條猶重，花未開時枝已稠。  
閣助醉歡尋綠酒，潛添睡興著紅樓。  
知君未別陽和意，直待春深始擬遊。

代夢得吟

後來變化三分貴，同輩凋零大半無。  
世上爭先從

盡汝人間鬪在不如吾竿頭已到應難久局勢雖  
遲未必輸不見山苗與林葉迎春先綠亦先枯

寄答周協律

宋詩多敘  
蘇州舊遊

故人敘舊寄新篇惆悵江南到眼前閣想樓臺萬  
餘里不聞歌吹一周年橋頭誰更看新月池畔猶  
應泊舊船最憶後亭杯酒散紅屏風掩綠窓眠

和集賢劉學士早朝作

吟君昨日早朝詩金銜爐前喚仗時煙吐白龍頭  
宛轉扇開青雉尾參差暫留春殿多稱屈合入綸  
闈卽可知從此摩霄去非晚鬢間未有一莖絲

送陝州王司馬建赴任

建善詩者

陝西司馬去何如養靜資貧兩有餘公事閒忙同  
少尹料錢多少敵尚書祗携美酒爲行伴唯作新  
詩趁下車自有鐵牛無詠者料君投刃必應虛

陝州

有鐵牛城

齋月靜居

病來心靜一無思老去身閒百不爲忽忽眼塵猶  
愛睡些些口業尚誇詩葷腥每斷齋居月香火常  
親宴坐時萬慮消停百神泰唯應寂寞殺三尸

宿裴相公興化池亭

兼蒙借船  
舫遊汎

林亭一出宿風塵忘却平津是要津松閣晴看山  
色近石渠秋放水聲新孫弘閣闢無閒客傅說舟  
忙不借人何似掄才濟川外別開池館待交親

送鶴與裴相臨別贈詩

司空愛爾爾須知不信聽吟送鶴詩羽翮一作翼勢

高寧惜別稻梁恩厚莫愁飢夜棲少共雞爭樹曉  
浴先饒鳳占池穩上青雲勿回顧約應勝在白家  
時

令狐相公拜尚書後有喜從鎮歸朝之作劉  
郎中先和因以繼之

車騎新從梁苑回履聲珮響入中臺鳳池望在終  
重去龍節功成且納來金勒最宜乘雪出玉觴何  
必待花開尚書首唱郎中和不計官只計才

送河南尹馮學士赴任

石渠金谷中開路軒騎翩翩十日程清洛飲水添  
苦節碧嵩看雪助高情謾誇河北操旄鉞莫羨江  
西擁旆旌時新除二  
鎮節度何似府寮京令外別教三十  
六峰迎

鏡換杯

欲將珠匣青銅鏡換取金樽白玉卮鏡裏老來無



避處樽前愁至有消時  
茶能散悶爲功淺  
萱縱忘憂得力遲  
不是杜康神用速  
十分一盞便開眉

雙鸚鵡

綠衣整頓雙樓起  
紅紫分明對語時  
始覺琵琶絃  
斧鹵方知吉了舌  
參差鄭牛識字吾常歎  
紫云鄭觸牆成  
丁鶴能歌爾亦知  
若稱白家鸚鵡鳥籠中  
兼合解吟詩

贈朱道士

儀容白皙上仙郎  
方寸清虛內道場  
兩翼化生因服藥  
三尸臥死爲休糧  
醮壇北向宵占斗  
寢室東

開早納陽盡日窓間更無事唯燒一炷降真香

昨以拙詩十首寄西川杜相公相公亦以新作十首惠然報示首數雖等工拙不倫重以一章用伸答謝

詩家律手在成都權與尋常將相殊剪裁五言兼用鉞陶鈞六義別開爐驚人卷軸須知有隨事文章不道無篇數雖同光價異十魚目換十驪珠

重答汝州李六使君見和憶吳中舊遊

爲憶娃宮與虎丘  
旣君新作不能休  
蜀牋寫出篇篇好  
吳調吟時句句愁  
洛下林園終共住  
江

風

卽會重遊

先與李六有此二句之約

由來事過多堪惜何況蘇

州勝汝州

李前刺蘇州故有是句

見殷堯藩侍御憶江南詩三十首詩中多敘

蘇杭勝事余嘗典二郡因繼和之

江南名郡數蘇杭寫在殷家三十章君是旅人猶  
苦憶我爲刺史更難忘境牽吟咏真詩國興入笙  
歌好醉鄉爲念舊遊終一去扁舟直擬到滄浪

贈王山人

玉芝觀裏王居士服氣餐霞善養身夜後不聞龜  
喘息秋來唯長鶴精神容顏盡怪長如故名姓多

疑不是真貴重榮華輕壽命知君悶見世間人

和劉郎中學士題集賢閣

朱閣青山高庠齊與君才子作詩題傍聞大內笙  
歌近下視諸司屋舍低萬卷圖書天祿上一條風  
景月華西欲知丞相優賢意百步新廊不蹋泥

病假中龐少尹携魚相過

宦情牢落年將暮病假聯緜日漸深被老相催雖  
白首與春無分未甘心間停茶椀從容語醉把花  
枝取次吟勞動故人龐閣老提魚携酒遠相尋

送東都留守令狐尚書赴任

翠華黃屋未東巡，碧洛青嵩付大臣。地稱高情多  
水竹，山宜閒望少風塵。龍門卽擬爲遊客，金谷先  
憑作主人。歌酒家家花處處，莫空管領上陽春。

自題新昌居止因招楊郎中小飲

地偏坊遠巷仍斜，最近東頭是白家。宿雨長齊鄰  
舍柳，晴光照出夾城花。春風小榼三升酒，寒食深  
爐一碗茶。能到南園同醉否，笙歌隨分有些些。

南園試小樂

小園斑駁花初發，新樂錚鏦教欲成。紅萼紫房皆  
手植，蒼頭碧玉盡家生。高調管色吹銀字，慢拽歌

詞唱渭城不飲一杯聽一曲將何安慰老心情

鶴池二首

高竹籠前無伴侶亂雞羣裏有風標低頭乍恐丹  
砂落晒翅常疑白雪消轉覺鷓鴣毛色下苦嫌鷓  
鴣語聲嬌臨風一喚思何事悵望青田雲水遙  
池中此鶴鶴中稀恐是遼東老令威帶雪松枝翹  
膝脛放花菱片綴毛衣低迴且向林間宿奮迅終  
須天外飛若問故巢知處在主人相戀未能歸

快活

可惜鶯啼花落處一壺濁酒送殘春可憐月好風

涼夜一部清商伴老身飽食安眠消日月閒談冷  
笑接交親誰知將相王侯外別有優游快活人

送令狐相公赴太原

六纛雙旌萬鐵衣并汾舊路滿光輝青衫書記何  
年去紅旆將軍昨日歸詩作馬蹄隨筆走獵酣鷹  
翅伴鶻飛北都莫作多時計再爲蒼生入紫微

送徐州高僕射赴鎮

大紅旆引碧幢旌新拜將軍指點行戰將易求何  
處貴書生難得始堪榮離筵歌舞花叢散候騎刀  
槍雪隊迎應笑蹉跎白頭尹風塵唯管洛陽城

六年秋重題白蓮

素房含露玉冠鮮，紺葉搖風鈿扇圓。  
本是吳州供進藕，今爲伊水寄生蓮。  
移根到此三千里，結子經今六七年。  
不獨池中花故舊，兼乘舊日採花船。

臥聽法曲霓裳

金磬玉笙和已久，牙床角枕睡常遲。  
朦朧閒夢初成後，宛轉柔聲入破時。  
樂可理心應不謬，酒能陶性信無疑。  
起嘗殘酌聽餘曲，斜背銀釭半下帷。

五鳳樓晚望

六年八月十日作

晴陽晚照濕煙銷，五鳳樓高天沈寥。  
野綠全經朝



雨洗林紅半被暮雲燒  
龍門翠黛眉相對伊水黃  
金線一條自入秋來風景好  
就中最好是今朝

寄劉蘇州

去年八月哭微之今年八月哭敦詩  
何堪老淚交流日多是秋風搖落時  
泣罷幾迴深自念情來一倍苦  
相思同年同病同心事除却蘇州更是誰

夜招晦叔

庭草留<sub>○</sub>池結冰黃昏鐘絕凍雲凝  
碧氈帳上正飄雪紅火爐前初炷燈  
高調秦箏一兩弄小花蠻  
檀二三升爲君更奏湘神曲  
夜就儂來能不能

和楊師臯傷小姬英英

自從嬌駿一相依共見楊花七度飛  
玳瑁床空收枕席琵琶絃斷倚屏幃  
人間有夢何曾入泉下無家豈是歸  
墳上少啼留取淚明年寒食更沾衣

聞樂感鄰

老去親朋零落盡秋來絃管感傷多  
尚書宅畔悲鄰笛廷尉門前歎雀羅  
綠綺窗空分妓女絳紗帳掩罷笙歌  
歡娛未足身先去爭奈書生薄命何

戊申歲暮詠懷三首

窮冬月末兩三日半百年過六七時  
龍尾趨朝無

氣力牛頭參道有心期榮華外物終須悟老病傍  
人豈得知猶被妻兒教漸退莫求致仕且分司  
唯生一女才十二祇欠三年未六旬婚嫁累輕何  
怕老飢寒心慣不憂貧紫泥丹筆皆經手赤紱金  
章盡到身更擬踟躕覓何事不歸嵩洛作閒人  
七年囚閉作籠禽但願開籠便入林幸得展張今  
日翅不能辜負昔時心人間禍福愚難料世上風  
波老不禁萬一差池似前事又應追悔不抽簪

贈夢得

心中萬事不思量坐倚屏風臥向陽漸覺詠詩猶

老醜豈宜憑酒更癡狂頭垂白髮我思退脚蹋青  
雲君欲忙只有今春相伴在花前賸醉兩三場

長樂亭留別

灞滻風煙函谷路曾經幾度別長安昔時感促爲  
遷客今日從容自去官優詔幸分四體秩祖筵慙  
繼二疎歡塵纓世網重重縛迴顧方知出得難

陝府王大夫相迎偶贈

紫微閣老自多情白首園公豈要迎伴我綠槐陰  
下歇向君紅旆影前行綸巾髮少渾歎仄籃輿肩  
齊甚穩平但問主人留幾日分司賓客去無程

酬李二十侍郎

筓老蘭長花漸稀  
衰翁相對惜芳菲  
殘鶯著雨慵  
休轉落絮無風凝  
不飛行  
掇木芽供野食  
坐牽蘿  
蔓挂朝衣  
十年分手今同醉  
醉未如泥莫道歸

丁籤九十三白居易之四

十二

唐音統籤卷

四百四十一

七言律詩六

後集

將至東都先寄令狐留守

黃鳥無聲葉滿枝  
開吟想到洛城時  
昔逢金谷三春盡  
恨拜銅樓一月遲  
詩境忽來還自得  
醉鄉潛去與誰期  
東都添箇狂賓客  
先報壺觴風月知

答崔十八見寄

明朝欲見琴樽伴  
洗拭金盃拂玉徽  
君乞曹州刺史替  
我拋刑部侍郎歸  
倚瘡老馬收蹄立  
避箭高鴻盡翅飛  
豈料洛陽風月夜  
故人垂老得相依

贈皇甫賓客

輕衣穩馬槐陰路漸近東來漸少塵耳聞久憎聞  
俗事眼明初喜見閒人昔曾對作承華相今復連  
爲博望賓始信淡交直久遠與君轉老轉相親

問江南物

歸來未及問生涯先問江南物在耶引手摩挲青  
石笋迴頭點檢白蓮花蘇州舫故龍頭閩王尹橋  
傾雁齒斜別有夜深惆悵事月明雙鶴在裴家

同崔十八寄元浙東王陝州

未能同隱雲林下且復相招祿仕間隨月有錢勝

賣藥終年無事抵歸山鏡湖水遠何由汎棠樹枝  
高不易攀惆悵八科殘四在兩人榮鬧兩人閒

池上卽事

行尋甃石引新泉坐看修橋補釣船綠竹挂衣涼  
處歇清風展簾困時眠身閒當貴真天爵官散無  
憂卽地仙林下水邊無厭日便堪終老豈論年

令狐尚書許過弊居先贈長句

不矜軒冕愛林泉許到池頭一醉眠已遣平治行  
藥徑兼教掃拂釣魚船應將筆硯隨詩主定有笙  
歌伴酒仙祇候高情無別物蒼苔石笋白花蓮



不出門

不出門來又數旬，將何銷日與誰親。  
鶴籠籠開處見，君子書卷展時逢。  
古人自靜其心延壽命，無求於物長精神。  
能行便是真修道，何必降魔調伏身。

對鏡

三分髻髮二分絲，曉鏡秋容相對時。  
去作忙官應太老，退爲閒叟未全遲。  
靜中得味何須道，穩處安身更莫疑。  
若使至今黃綺在，聞吾此語亦分司。

和令狐相公寄劉郎中兼見示長句

日月天衢仰面看，尚淹池鳳滯臺鸞。  
碧幢千里空

移鎮赤筆三年未轉官別後縱吟終少興病來雖  
飲不多歡酒軍詩敵如相遇臨老猶能一據鞍

偶吟二首

眼下有衣兼有食心中無喜亦無憂正如身後有  
何事應向人間無所求靜念道經深閉目閒迎禪  
客小低頭猶殘少許雲泉興一歲龍門數度遊  
晴教暇藥泥茶竈閒看科松洗竹林活計縱貧長  
淨潔池亭雖小頗幽深厨香炊黍調和酒窓爇安  
絃拂拭琴老去生涯祗如此更無餘事可勞心

勉閒遊

天時人事常多故一歲春能幾處遊不是塵埃便  
風雨若非疾病卽悲愁貧窮心苦多無與富貴身  
忙不自由唯有分司官恰好閒遊雖老未能休

馬上晚吟

人少街荒已寂寥風多塵起重蕭條上陽落葉飄  
宮樹中渡流澌擁渭橋出早冒風衣較薄歸遲侵  
黑酒全消如今不是間行日日短天陰坊曲遙

雪夜喜李郎中見訪兼酬所贈

可憐今夜鵝毛雪引得高情鶴氅人紅蠟燭前明  
似畫青氈帳裏煖如春十分滿盞黃金液一尺中

庭白玉塵對此欲留君便宿詩情酒分合相親

答王尚書問履道池舊橋

虹梁鴈齒隨年換素板朱欄逐日修但恨尚書能  
久別莫愁州守不頻遊重移舊桂開中眼亂種新  
花擁兩頭李郭小船何足問待君乘過濟川舟

從龍潭寺至少林寺題贈同遊者

山屐田衣六七賢  
蹠羣弄瀑漫九龍潭  
月落杯酒三品松  
風飄管絃強健且宜遊  
勝地清涼不覺過  
炎天始知駕鶴乘  
雲外別有逍遙地上仙

嵩陽觀夜奏霓裳

開元遺曲自淒涼况近秋天調是商愛者誰人唯  
白尹奏時何處在嵩陽迥臨山月聲灑怨散入松  
風韻更長子晉少姨聞定怪人間亦便有霓裳

過元家履信宅

雞犬喪家分散後林園失主寂寥時落花不語空  
辭樹流水無情自入池風蕩醺船初破漏雨淋歌  
閣欲傾欹前庭後院傷心事唯是春風秋月知

題崔常侍濟上別墅

時常侍以長告罷  
歸今故先報泉石

求榮爭寵任紛紛脫棄金貂祗有君散員踈去未  
爲貴小邑陶休何足云山色好當晴後見泉聲宜

向醉中聞主人憶爾爾知否拋却青雲歸白雲  
天壇峰下贈杜錄事

年顏氣力漸衰殘王屋中峰欲上難頂上將探小

有洞

小有洞在天壇頂上

喉中須嚙大還丹

時杜方煉伏火砂次

河車

九轉宜精鍊火候三年在好看他日藥成分一粒  
與君先去掃天壇

贈鉢塔院如大師

師年八十三登壇秉律凡六十年每歲于師處授八

明戒者九

百千萬劫菩提種八十三年功德林若不秉持僧  
行苦將何報答佛恩深慈悲不瞬諸天眼清淨無

塵幾地心每歲八關蒙九授慙慙一戒重千金

自詠

隨宜飲食聊充腹取次衣裘亦煖身未必得年非  
瘦薄無妨長福是單貧老龜豈羨犧牲飽蟠木寧  
爭桃李春隨分自安心自斷是非何用問閻人

嘗黃醅新酎憶微之

世間好物黃醅酒天下閻人白侍郎愛向卯時謀  
洽樂亦曾酉日放麤狂醉來枕麴貧如富

詩云一  
醉日富

身後堆金有若亡元九計程殊未到甕頭一盞共

誰嘗

予與微之老而無子登於言歎著在詩篇屢  
矣今年各有一子戲作二什一以相賀一以  
自嘲

常憂到老都無子何況新生又是兒陰德自然宜

有慶

子公陰德其後蕃昌

皇天可得道無知

皇天無知伯道無兒

一園

水竹今爲主

微之履信居多水竹

百卷文章更付誰

微之文集

凡一卷

莫慮鷄雛無浴處卽應重入鳳凰池

五十八翁方有後靜思堪喜亦堪嗟一珠甚少還  
題蚌八子雖多不羨鴉秋月晚生丹桂實春風新  
長紫蘭芽持盃祝願無他語慎勿頑愚似汝爺



晚桃花

一樹紅桃亞拂池竹籬松蔭晚開時非因斜日無  
由見不是閒人豈得知寒地生材遺技易貧家養  
女嫁常遲春深欲落誰憐惜白侍郎來折一枝

贈鄰里往還

問予何故獨安然免被飢寒婚嫁牽骨肉都盧無  
十口糧儲依約有三年但能抖擻人間事便是道  
遙地上仙唯恐往還相厭賤南家飲酒北家眠

酬皇甫賓客

玄晏家風黃綺身深居高臥養精神性慵無病常

稱病心足雖貧不道貧竹院君閒銷永日花亭我  
醉送殘春自嫌詩酒猶多興若比先生是俗人

同王十七庶子李六員外鄭二侍御同年四  
人遊龍門有感而作

一曲悲歌酒一樽同年零落幾人存世如閱水應  
堪歎名似浮雲豈足論各從祿仕休明代共感平  
生知己恩今日與君重上處龍門不是舊龍門

池上小宴問程秀才

洛下林園好自知江南景物闌相隨淨淘紅粒罽  
香飯薄切紫鱗烹水葵雨滴蓬聲青雀舫浪搖花

影白蓮池停盃一問蘇州客何似吳松江上時

橋亭卯飲

卯時偶飲齋時臥林下高橋橋上亭松影過窓眠  
始覺竹風吹面醉初醒就荷葉上包魚鮮當石渠  
中浸酒瓶生計悠悠身兀兀甘從妻喚作劉伶

日高臥

怕寒放懶日高臥臨老誰言牽率身夾幕繞房深  
似洞重裯襯枕煖於春小青衣動桃根起嫩綠醅  
浮竹葉新未裹頭前傾一盞何如衝雪趁朝人

思往喜今

憶除司馬向江州及此凡經十五秋雖在簪裾從  
俗累半尋山水是閒遊謫居終帶鄉關思領郡猶  
分邦國憂爭似如今作賓客都無一念到心頭

題平泉薛家雪堆莊

怪石千年應自結靈泉一帶是誰開感爲宛轉青  
蛇項噴作玲瓏白雪堆赤日旱天長看雨玄陰臘  
月亦聞雷所嗟地去都門遠不得肩舁每日來

夜宴惜別

笙歌旖旎曲終頭轉作離聲滿坐愁箏怨朱絃從  
此斷燭啼紅淚爲誰流夜長似歲歡宜盡醉未如

泥飲莫休何況雞鳴卽須別門前風雨冷修修

吾土

身心安處爲吾土豈限長安與洛陽水竹花前謀  
活計琴詩酒裏到家鄉榮先生老何妨樂楚接輿  
歌未必狂不用將金買莊宅城東無主是春光

題岐王舊山池石壁

樹深藤老竹迴環石壁重重錦翠斑俗士看來猶  
解愛忙人到此亦須閒况當霽景涼風後如在于  
巖萬壑間黃綺更歸何處去洛陽城內有商山

病眼花

頭風目眩乘衰老，祇有增加豈有瘳。傳云有加而無瘳花  
發眼中猶足怪，柳生肘上亦須休。大窠羅綺看纔  
辨，小字文書見便愁。必若不能分黑白，却應無悔  
復無尤。

早飲醉中除河南尹勅到

雪擁衡門水滿池，溫爐卯後煖寒時。綠醅新酎嘗  
初醉，黃紙除書到不知。厚俸自來誠忝濫，老身欲  
起尚遲疑。應須了却丘中計，女嫁男婚三選資。

天津橋

天津橋東北斗亭西，到此令人詩思迷。眉月晚生神

女浦臉波春傍窈娘堤柳絲嫋嫋風縵出草縷茸  
茸雨剪齊報道前驅少呼喝恐驚黃鳥不成啼

府中夜賞

櫻桃廳院春偏好石井欄堂夜更幽白粉牆頭花  
半出緋紗燭下水平流閑留賓客嘗新酒醉領笙  
歌上小舟舞袖颺颺棹容與忽疑身是夢中遊

哭崔兒

掌珠一顆兒三歲鬢雪千莖父六旬豈料汝先爲  
異物常憂吾不見成人悲腸自斷非因劍啼眼加  
昏不是塵懷抱又空天默默依前重作鄧攸身

初喪崔兒報微之晦叔

書報微之晦叔知欲題崔字淚先垂世間此恨偏  
敦我敦音堆見詩注天下何人不哭兒蟬老悲鳴拋蛻後  
龍眠驚覺失珠時文章千帙官三品身後傳誰庇

塵誰

府齋感懷酬夢得

時初喪崔兒夢得以詩相安云從此期君比瓊樹一

枝吹折一枝生故有此落句以報之

府伶呼喚爭先到家醞提携動輒隨合是人生開  
眼日自當年老歛眉時丹砂鍊作三銖土玄髮看  
成一把絲勞寄新詩遠安慰不聞枯樹更生枝



與諸道者同遊二室至九龍潭作

喜逢二室遊仙子厭作三川守土臣舉首摩挲潭  
上石開襟抖擻府中塵他日終爲獨往客今朝未  
是自由身若言尹是嵩山主三十六峰應笑人

履道池上作

家池動作經旬別松竹琴魚好在無樹暗小巢藏  
巧婦渠荒新葉長慈姑不因車馬時時到豈覺林  
園日日蕪猶喜春深公事少每來花下得踟躕

水堂醉臥問杜三十一

聞君洛下住多年何處春流最可憐爲問魏王堤

岸下何如同德寺門前無妨水色堪閒翫不得泉  
聲伴醉眠那似此堂簾幕底連明連夜碧潺湲

座中戲呈諸少年

衰容禁得無多酒秋髻新添幾許霜縱有風情應  
淡薄假如老健莫誇張興來吟詠從成癖飲後酣  
歌少放狂不爲倚官兼挾勢因何入得少年場

雪後早過天津橋偶呈諸客

官橋晴雪曉峩峩老尹行吟獨一過紫綬相輝應  
不惡白鬚同色復如何悠揚短景凋年急牢落衰  
情感事多猶賴洛中饒醉客時時泥我喚笙歌

早春雪後贈洛陽李長官鄭明府二同年

獻歲晴和風景新  
銅駝街郭煖無塵  
府亭共賀三川雪  
縣道分行百里春  
朱紱洛陽官位屈  
青袍長令俸錢貧  
有何功德紉金紫  
若比同年是幸人

醉吟

醉來忘渴復忘飢  
冠帶形骸杳若遺  
耳底齋鐘初過後  
心頭卯酒未消時  
臨風朗詠從人聽  
看雪閒行任馬遲  
應被衆疑公事慢  
承前府尹不吟詩

南龍興寺殘雪

南龍興寺春晴後  
緩步徐吟遶四廊  
老趣風花應

不稱閒尋松雪正相當  
吏人引從多乘舉賓客  
違迎少下堂不擬人間更  
求事些些踈懶亦何妨

天宮閣早春

天宮高閣上何頻  
每上令人耳目新  
前日晚登緣看雪  
今朝晴望爲迎春  
林鶯何處吟  
箏柱墻柳誰家晒  
麴塵可惜三川虛  
作主風光不屬白頭人

贈晦叔憶夢得

自別崔公四五秋  
因何臨老轉風流  
歸來不說秦中事  
歇定唯謀洛下遊  
酒面浮花應是喜  
歌眉歛黛不關愁  
得君更有無厭意  
猶恨樽前欠老劉

睡覺

星河耿耿漏絲絲  
月闇燈微欲曙天  
轉枕頻伸書帳下  
披裘箕踞火爐前  
老眠早覺常殘夜  
病力先衰不待年  
五欲已銷諸念息  
世間無境可勾牽

十二月二十三日作兼呈晦叔

案頭曆日雖未盡  
向後唯殘六七行  
床下酒瓶雖不滿  
猶應醉得兩三場  
病身不許依年老  
拙宦虛教逐日忙  
關健偷閒且勤飲  
一杯之外莫思量